



অবিলম্বে প্রকাশের উদ্দেশ্যে: 3/14/2023

গভর্নর ক্যাথি হোকল

গভর্নর হোকল নর'ইস্টার ইমপ্যাক্টিং আপস্টেট নিউ ইয়র্ক সম্পর্কে আপডেট প্রদান
করেছেন

সোমবার সন্ধ্যা থেকে রাজধানী অঞ্চল এবং মধ্য-হাডসন অঞ্চলে এক ফুট থেকে দেড়
ফুট তুষারপাত হয়েছে, নর্থ কান্ট্রিতে প্রায় দুই ফুট তুষারপাত হয়েছে এবং প্রতি ঘণ্টায়
ছয় ইঞ্চি তুষারপাতের হার রয়েছে; স্টেট জুড়ে 85,000-এরও বেশি বিদ্যুৎ বিভ্রাট
রয়েছে যার সবচেয়ে বেশি প্রভাব পড়েছে রাজধানী অঞ্চলে

মঙ্গলবার সন্ধ্যায় দমকা হাওয়া এবং বুধবার সকাল পর্যন্ত অতিরিক্ত তুষারপাতের
সংমিশ্রণের ফলে আরো বিভ্রাট হতে পারে

মঙ্গলবার বিকেল থেকে সমস্ত ট্যান্ডেম এবং খালি ট্র্যাক্টর টেলার বিধিনিষেধ তুলে
নেওয়া হয়েছে

বুধবার সকাল পর্যন্ত বিপজ্জনক ভ্রমণের পরিস্থিতি তৈরির জন্য অতিরিক্ত তুষারপাত
এবং বাতাসের দমকা হাওয়ার কারণে বেশ কয়েকটি অঞ্চলে প্রভাবিত কাউন্টিসমূহে
জরুরি অবস্থা জারি রয়েছে; ক্ষতিগ্রস্ত অঞ্চলে অপ্ৰয়োজনীয় ভ্রমণ না করার পরামর্শ
দিয়েছেন গভর্নর হোকল

গভর্নর ক্যাথি হোকল আজ নিউ ইয়র্কবাসীকে নর-ইস্টার সম্পর্কে অবহিত করেছেন, যা বেশ
কয়েকটি উঁচু অঞ্চলে রাতারাতি ভারী তুষারপাতের সৃষ্টি করেছে এবং বুধবার পর্যন্ত বেশ
কয়েকটি অঞ্চলে প্রভাব ফেলবে বলে আশা করা হচ্ছে কারণ মঙ্গলবার আরো তুষারপাত এবং
বাতাসের দমকা হাওয়া ভ্রমণের অবস্থার উপর প্রভাব ফেলবে। সোমবার রাত থেকে নর্থ কান্ট্রির
কিছু অংশে প্রায় দুই ফুট তুষারপাত হয়েছে, সর্বোচ্চ তুষারপাতের হার ঘণ্টায় ছয় ইঞ্চি, রাজধানী
অঞ্চলের কিছু অংশে দেড় ফুট এবং মিড-হাডসন এবং সাউদার্ন টিয়ার অঞ্চলে এক ফুটেরও
বেশি তুষারপাত হয়েছে। মঙ্গলবার বিকেলে 45 মাইল প্রতি ঘণ্টা বেগে দমকা বাতাস সহ ভারী,
ভেজা তুষারপাত অব্যাহত থাকবে বলে আশা করা হচ্ছে যা বিদ্যুৎ বিভ্রাটের সম্ভাবনা বাড়িয়ে
তুলবে। ক্ষতিগ্রস্ত অঞ্চলগুলিতে বুধবার সকালের মধ্যে অতিরিক্ত তুষারপাতের পূর্বাভাস দেওয়া
হয়েছে।

"পূর্বাভাস অনুযায়ী, বেশ কয়েকটি অঞ্চলে রাতারাতি এক ফুট থেকে দুই ফুট তুষারপাত হয়েছে এবং মঙ্গলবার সন্ধ্যা জুড়ে ভ্রমণের জন্য পরিস্থিতি বিপজ্জনক থাকবে," **গভর্নর হোকল বলেন।** "আমার দল স্থানীয় কর্মকর্তাদের সাথে সার্বক্ষণিক যোগাযোগ রাখছে এবং ন্যাশনাল গার্ড আগামী দুই দিন যেকোনো প্রয়োজনীয় জরুরি পদক্ষেপে সহায়তা করার জন্য প্রস্তুত রয়েছে কারণ বিদ্যুৎ বিভ্রাট উদ্বেগের বিষয় হিসাবে রয়ে গেছে।"

মঙ্গলবার দুপুর 2টা পর্যন্ত, ঝড়ের ফলে স্টেট জুড়ে প্রায় 87,000 বিদ্যুৎ বিভ্রাট হয়েছিল, যার বেশিরভাগই রাজধানী অঞ্চলের কাউন্টিসমূহে প্রভাবিত ফেলেছে।

মঙ্গলবার দুপুর 2টা পর্যন্ত নিউ ইয়র্ক স্টেট থ্রুওয়ে কর্তৃপক্ষ (New York State Thruway Authority), নিউ ইয়র্ক স্টেট পুলিশ (New York State Police) এবং নিউ ইয়র্ক স্টেট ডিপার্টমেন্ট অব ট্রান্সপোর্টেশন (New York State Department of Transportation) সোমবার সন্ধ্যা থেকে ট্যান্ডেম এবং খালি ট্রাক্টর-ট্রেইলারের উপর পূর্ববর্তী সমস্ত বিধিনিষেধ তুলে নিয়েছে।

আবহাওয়া ঘটনার প্রতি স্টেটের সাড়াদানকে আরো সমন্বয় করতে স্টেটের জরুরি ব্যবস্থাপনা কেন্দ্র (Emergency Operations Center) সোমবার সকালে সক্রিয় করা হয়েছে। সোমবার সন্ধ্যায়, নর'ইস্টারের আগে, গভর্নর হোকল ওয়েস্টচেস্টার কাউন্টির উত্তরে স্টেটের পূর্বাঞ্চলের কাউন্টিসমূহে জরুরি অবস্থা ঘোষণা করেছিলেন। গভর্নর হোকল নিউ ইয়র্ক ন্যাশনাল গার্ডকেও (New York National Guard) সক্রিয় করেছেন, যা সোমবার রাজধানী এবং মিড-হাডসন অঞ্চলে স্টেটের প্রতিক্রিয়ায় সহায়তা করার জন্য একত্রিত হয়েছিল। জরুরি প্রতিক্রিয়া মিশনে সহায়তা করার জন্য 100 জনেরও বেশি কর্মী এবং 20টি যানবাহন প্রস্তুত রয়েছে।

নিউ ইয়র্ক স্টেট ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস কমিশনার জ্যাকি ব্রে বলেন, "এই শীতকালীন ঝড়ে ওয়েস্টচেস্টার কাউন্টির নর্থ কান্ট্রিতে পূর্বাঞ্চলে প্রায় দুই ফুট তুষারপাত হয়েছে, ফলে বিদ্যুৎ বিভ্রাট হচ্ছে। যেহেতু বিদ্যুৎ পুনরুদ্ধার এবং তুষার অপসারণের প্রচেষ্টা অব্যাহত রয়েছে, অনুগ্রহ করে আপনার প্রতিবেশী এবং প্রিয়জনদের যাচাই করে দেখুন যে তারা নিরাপদে ঝড় মোকাবেলা করছে কিনা।"

নিউ ইয়র্ক স্টেটের পূর্বাংশ, নিউ ইয়র্ক সিটির উত্তরে একাধিক শীতকালীন ঝড়ের সতর্কতা ও আদেশ কার্যকর থাকবে। অতিরিক্ত সতর্কতা এবং/অথবা আদেশ জারি করা হতে পারে। আপনার এলাকায় আবহাওয়া সতর্কতা ও পূর্বাভাসের সম্পূর্ণ তালিকা দেখার জন্য জাতীয় আবহাওয়া পরিষেবার [ওয়েবসাইট](#) দেখুন।

নিরাপত্তা সংক্রান্ত পরামর্শ

চলাচল:

নিরাপদে গাড়ি চালানোর জন্য কিছু গুরুত্বপূর্ণ পরামর্শের মধ্যে রয়েছে:

- প্রয়োজন না হলে গাড়ি চালাবেন না।
- যদি আপনাকে ভ্রমণ করতেই হয়, আপনার গাড়িতে জীবন-রক্ষাকারী সরঞ্জাম যেমন কঞ্চল, বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের

সেট, ব্যাটারির বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।

- যদি আপনার ব্যবহারের জন্য অন্যান্য যোগাযোগের ডিভাইস যেমন সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।
- সকল সড়কে চলাচলকারী গাড়ি চালকদের জন্য এটি জেনে রাখা গুরুত্বপূর্ণ যে স্নো-প্লাউগুলো ঘণ্টায় 35 মাইল গতিবেগে চলাচল করে, যা বহু ক্ষেত্রেই পোস্ট করা গতিসীমার চেয়ে কম হয়ে থাকে, যাতে ছিটিয়ে দেয়া লবণগুলো ড্রাইভিং লেনের মধ্যেই থাকে এবং সড়কপথের বাইরে ছিটকে না পড়ে। প্রায় ক্ষেত্রেই ইন্টারস্টেট হাইওয়েগুলোতে স্নো-প্লাউগুলো পাশাপাশি অবস্থান করে কাজ করে থাকে, কারণ এতে একাধিক লেন সর্বাধিক কার্যকর ও নিরাপদ উপায়ে পরিষ্কার করা যায়।
- গাড়ি চালক ও পথচারীদেরকেও খেয়াল রাখতে হবে যে স্নো-প্লাউ চালকদের দৃষ্টিগোচরতা সীমিত থাকে, এবং স্নো-প্লাউ এর আকার ও ওজন সেটিকে দ্রুত সরানো ও বন্ধ করা কঠিন করে তুলতে পারে। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্নো-প্লাউ এর বেশ পিছনে যেখানে সড়কপথ পরিষ্কার হয়েছে ও লবণ ছিটানো হয়েছে। কখনো কোনো স্নোপ্লাউ চালু অবস্থায় এটির সামনে দিয়ে অতিক্রম করার চেষ্টা করবেন না।

বিদ্যুৎ বিভ্রাট

- এলাকাভিত্তিক মেরামতের সময়সূচি জানতে আপনার ইউটিলিটির কাছে যাচাই করুন।
- পরিষেবা ফিরে আসার সময় সার্কিট ওভারলোড হওয়া রোধ করতে লাইট ও অ্যাপ্লায়েন্সগুলো বন্ধ রাখুন বা প্লাগ খুলে রাখুন; কখন বিদ্যুৎ ফিরে আসছে তা জানার জন্য একটি বাতি চালু রাখুন।
- যদি শীতকালীন ঝড়ের সময়ে হিটিং চলে যায়, তাহলে আপনার যেসব কক্ষ প্রয়োজন নেই সেগুলো বন্ধ করে দেওয়ার মাধ্যমে উষ্ণতা ধরে রাখুন।

বিদ্যুৎ বিভ্রাট রিপোর্ট করুন

- সেন্ট্রাল হাডসন: 800-527-2714
- কন এডিসন: 800-752-6633

- ন্যাশনাল গ্রিড: 800-867-5222
- NYSEG: 800-572-1131
- O&R: 877-434-4100
- PSEG-LI: 800-490-0075
- RG&E: 800-743-1701

হিটিং সংক্রান্ত সতর্কতা

- বিকল্প তাপের জন্য শুধু নিরাপদ উৎস যেমন ফায়ারপ্লেস, ছোট আকারের ভালো ভেন্টযুক্ত কাঠের বা কয়লার চুলা বা পোর্টেবল স্পেস হিটার ব্যবহার করুন।
- বিকল্প তাপের উৎস যেমন ফায়ারপ্লেস, উডস্টোভ, ইত্যাদি ব্যবহার করার সময় সবসময় যথাযথ ভেন্টিলেশন রয়েছে তা নিশ্চিত করুন। সবসময় প্রস্তুতকারকের নির্দেশনা মেনে চলুন।
- পর্দা, তোয়ালে এবং পটহোল্ডারগুলোকে উত্তপ্ত পৃষ্ঠতল থেকে দূরে রাখুন।
- একটি অগ্নি নির্বাপক যন্ত্র এবং স্মোক ডিটেক্টর রাখুন এবং সেগুলো কাজ করছে তা নিশ্চিত করুন।
- যদি আপনি আপনার হিটিং-এর নিয়মিত জ্বালানির সম্পূরক হিসেবে, অথবা জরুরি পরিস্থিতিতে তাপের উৎস হিসেবে কেরোসিন হিটার ব্যবহার করেন, তাহলে নিম্নলিখিত নিরাপত্তা সংক্রান্ত পরামর্শ অনুসরণ করুন:
 - উৎপাদকের নির্দেশনা অনুসরণ করুন।
 - আপনার ইউনিটের জন্য শুধু সঠিক জ্বালানি ব্যবহার করুন।
 - শুধু ঘরের বাইরে এবং শুধুমাত্র যখন ইউনিটটি ঠাণ্ডা থাকে তখন পুনরায় জ্বালানি ভর্তি করুন।
 - হিটারকে আসবাবপত্র এবং অন্যান্য দাহ্য বস্তু থেকে কমপক্ষে তিন ফুট দূরে রাখুন।
 - হিটার ব্যবহার করার সময়, আগুন থেকে সুরক্ষার পদক্ষেপসমূহ এবং ভেন্টিলেশন যথাযথভাবে ব্যবহার করুন।

শীতকালীন নিরাপত্তা সংক্রান্ত আরো পরামর্শের জন্য ভিজিট করুন <https://dhses.ny.gov/safety>।

নিউ ইয়র্ক স্টেটে ঝড়ের আগে, ঝড় চলাকালীন সময়ে অথবা ঝড়ের পরে জরুরি নয় এমন পরিষেবার প্রয়োজনগুলো পূরণ করতে 211 নম্বরে ফোন করুন অথবা ভিজিট করুন 211nys.org ঠিকানায়।

ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে

ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস দুর্যোগ এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, প্রতিক্রিয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে। আরো তথ্যের জন্য DHSES-কে [ফেসবুক](https://www.dhses.ny.gov), [টুইটার](https://www.dhses.ny.gov)-এ খুঁজুন বা ভিজিট করুন [dhses.ny.gov](https://www.dhses.ny.gov)।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)